

人代紀要卷之十九

明吳興顧應祥編集

大埔黃宸校刊 江陰湯明善校正

庠生倪佩 臧繼華同校

癸丑唐玄宗開元元年 十二月改

秋七月太平公主謀廢立賜死蕭至忠岑羲竇懷
貞崔湜俱伏誅

上皇誥軍國大政一聽帝自處分劉幽求為左僕
射平章軍國大事尋罷 張說為中書令
以高力士為右監門將軍知內侍省事

唐書本傳高力士馮盎曾孫也聖曆初嶺南討擊使李千里進二闔兒曰金剛曰力士武后以其疆悟令給事左右坐累逐出中人高延福養為子冒其姓善武三思復入禁中

講武驪山斬知禮儀事唐紹流同三品兵部尚書郭元振於新州

十二月改元群臣上尊號開元神武皇帝改僕射為丞相中書為紫微省門下為黃門省侍中為監姚元之避開元號改名崇以同三品改紫微令張說左遷相州刺史 盧懷慎同平章事

是年以高麗大祚榮為渤海郡王

甲寅 定內外官出入恒式 置左右教坊 沙汰僧尼

秋七月襄王重茂卒謚曰殤帝

冬十二月以趙麗妃子嗣謙為皇太子

乙卯 以盧懷慎為黃門監 置侍讀官 薛訥討突厥 劉幽求卒 初置翰林院

是年山東大蝗姚崇遣使捕之

丙辰 夏六月太上皇崩在位二年壽五十五葬橋陵謚大聖真皇帝廟號睿宗天寶十三載增謚玄真大聖大興孝皇帝 遷中宗主于別廟

盧懷慎卒源乾曜同平章事尋與姚崇俱罷

宋璟為黃門監蘇頲同平章事

丁巳 幸東都 孫平子論中宗不當遷謫都城尉

張九齡請行郊祀

孫平子上言春秋譏魯躋僖公今遷中宗於別廟而祀睿宗正與魯同兄臣於弟猶不可躋况弟臣於兄乎若以兄弟同昭則不應出兄置於別廟願下羣臣博議遷中宗入太廟太常博士陳貞節馬宗蘓獻以為七代之廟不數兄弟殷代或兄弟四人相繼為君若數以為代則無祖

禰之祭矣今睿宗之室當亞高宗故為中宗特立別廟非躋睿宗於中宗之上也時論多是平子議久不決蘇頲卒從太常議平子論不已故謫之按中宗高宗第七子也睿宗高宗第八子也分為二代則昭穆不明合為一廟於禮不可不得已為睿宗別立一廟庶幾情禮兼得乎平子以躋僖為比則又不同矣

戊午 令州縣行鄉飲酒禮 始加賦以給百官俸

冬十一月還西京 吐蕃請和

己未 宋王成器更名憲改封寧王

庚申 始改顏回等從祀孔子者為坐像

詔孔門弟子從祀 以優人言罷宋璟蘇頲亦罷

源乾曜張嘉貞同平章事尋以乾曜為侍中嘉貞

中書令

辛酉 姚崇卒 以張說同三品 突厥遣使求和

壬戌 內侍楊思勗平安南 始募兵充宿衛

楊思勗羅州石城人本蘇氏冒所養姓少給事

內侍省玄宗平內難有功擢左監門衛將軍

癸亥 北巡以并州為太原府置北都 祭后上汾陰

張嘉貞罷張說兼中書令 置麗正書院

改政事堂為中書門下

甲子 廢皇后王氏 楊思勗為輔國大將軍

選臺閣名臣為諸州刺史 張說建議封禪

乙丑 東封太山 詣孔子宅

以王毛仲開府儀同三司

丙寅 李元紘杜暹俱同平章事 張說罷

丁卯 作十王宅百孫院

戊辰 以蕭嵩同平章事 楊思勗平嶺南獠

己巳 杜暹李元紘源乾曜罷宇文融裴光庭同平章事

蕭嵩兼中書令宇文融尋貶汝州刺史

以生日為千秋節賜宴

庚午 裴光庭為侍中 令百官休日選勝為樂

是年裴光庭兼吏部尚書始用資格遷官

辛未 王毛仲有罪賜死 置太公廟張良配享選古名

將備十哲

壬申

癸酉 分天下為十五道京畿都畿關內河南河東河北

隴右山南東山南西劍南淮南江南東江南西黔

中嶺南各置採訪使

以韓休同平章事

蕭嵩韓休罷以裴耀卿張九齡同平章事

左丞相宋璟致仕歸東都

甲戌 李林甫同三品大風拔木

裴耀卿為侍中張九齡中書令

裴耀卿為江淮河南轉運使置河口輸場

以方士張果為銀青光祿大夫通玄先生

是年幽州節度使張守珪斬契丹王屈烈及可突

干欲以為相張九齡諫以為羽林大將軍

突厥毗伽可汗為其下所殺子登利可汗立

乙亥 冊楊玄琰女楊氏為壽王妃

丙子 皇太子更名瑛

張守珪使安祿山討契丹敗張九齡論以死帝赦之增宗廟籩豆加毋黨服

張九齡進千秋金鑑錄

裴耀卿張九齡罷以李林甫兼中書令牛仙客同

三品

丁丑 置玄學博士 立明經問義進士試經法

監察御史周子諒彈牛仙客杖死貶張九齡為荊州刺史

廢太子瑛鄂王瑤光王琚為庶人尋賜死

秋七月大理寺奏有鵲來巢賜李林甫晉國公牛

仙客幽國公 武惠妃卒謚貞順皇后

宋璟卒

明皇殺諫臣周子諒貶張九齡聽武惠妃及駙馬都尉楊洄之譖李林甫之謀而一日殺三子

以刑措而歸功宰輔錫以公爵失政甚矣欲國之不亂得乎

戊寅 王璵為祠祭使始用楮錢以祭

今天下州縣里皆置學

立忠王璵為皇太子改名亨

冊立南詔皮羅閣為雲南王賜名歸義

巳卯 追謚孔子為文宣王贈弟子為公侯伯

先是周公為先聖南向孔子為先師東向至是改孔子南向

磧西節度使蓋嘉運擊突騎施擒其可汗骨啜

庚辰 張九齡卒 立莫達干為突騎施可汗

辛巳 太尉寧王憲卒謚曰讓皇帝

帝以夢得玄元皇帝像

壬午天寶元年

春正月改元天寶群臣上尊號曰開元天寶聖文

神武皇帝

以安祿山為平盧節度使 穿三門運渠

合祭天地於南郊 牛仙客卒以李適之為左相

癸未 追尊老聃父為先天太皇臯繇為德明皇帝涼武

昭王為興聖皇帝

甲申 春正月改年為載 以安祿山兼范陽節度使

河西軍擊突騎施斬莫賀達干更立骨咄祿為可

汗 突厥亂冊回紇骨力裴羅為懷仁可汗

以術士言邈甲始祀九宮貴神牲王侔天地

乙酉 帝以武惠妃死宮中無當意者聞壽王妃美令其

乞為女官號太真潛納宮中至是立為貴妃以其兄銛為殿中少監錡為駙馬都尉三姊皆賜第

安祿山侵奚契丹各殺其所尚公主以叛

王鉷為京畿採訪使貢額外錢帛以充宴賞薦妃

族兄楊釗為判官

聞空中神語群臣表賀

丙戌

李適之罷以陳希烈同平章事為宰相

李林甫引酷吏吉溫為法曹羅希奭為殿中侍御

史人號羅鉗吉網

武后之用酷吏欲暗移唐祚恐人圖已故欲籍

天下之口耳明皇之用酷吏則李林甫專權欲

去其不附已者明皇耽於色慾一至於此

丁亥

李林甫殺北海太守李邕 李適之自殺

令士通一藝者皆詣京師李林甫試無一人及第

者表賀野無遺賢

以安祿山為御史大夫出入禁中

冬十月如驪山溫泉華清宮自是每歲十月俱幸

至安祿山亂乃止 帝夢鍾馗啖鬼

李林甫誣構殺戶部侍郎楊慎矜

以天下歲貢賜李林甫

呼白鸚鵡為雪衣娘鷹搏死葬以金棺

始令僧尼祠部給牒

以高仙芝為安西四鎮節度使

高仙芝高麗人也唐制邊將皆用忠厚名臣功名著者入為宰相其四夷之將雖有才畧不專任皆以大臣為使以制之李林甫欲杜邊將入相之路始盡用胡人祿山之禍林甫基之也

戊子

以高力士為驃騎大將軍

賜安祿山鐵券以貴妃從兄楊釗判度支事

貴妃諸姊為國夫人

雲南王歸義卒子閣羅鳳嗣

己丑

觀左藏賜楊釗金紫

加玄元皇帝號曰聖祖大道玄元皇帝增祖宗帝謚號群臣上尊號曰開元天地大寶聖文神武應道皇帝令天下各置玄元廟像

庚寅

封西嶽賜安祿山東平郡王賜楊釗名國忠

五星聚箕尾得妙寶真符

劍南節度使鮮于仲通激南詔反陷雲南諸郡

辛卯

免駙馬程昌裔官為安祿山起第窮極壯麗

祿山入禁中作洗兒戲

楊國忠遙領劍南節度使

廣陵大風沉船數千艘

武庫災燒兵器三十七萬

壬辰 李林甫死為相一十九年養成唐亂

王鉷有罪賜死

楊國忠為右相兼文部尚書領四十餘使

張彖隱居嵩山 吉溫為御史中丞

王鉷以與利得寵不能保其身可為言利者之

戒

癸巳 楊國忠說安祿山使阿布思部落降者誣告李林

甫與阿布思謀反剖棺削爵子孫流嶺南黔中黨
與坐貶者五十餘人

楊國忠注選人於都堂一日而畢京兆尹鮮于仲
通諷選人請刻頌省門

甲午 加安祿山左僕射 楊國忠為司空是日雨土

陳希烈罷 以希見素同平章事

加玄元皇帝號大聖祖高上大道金闕玄元天皇
大帝

上帝號開元天地大宰聖文神武證道孝德皇帝
劍南留後李宓擊南詔全軍敗沒楊國忠隱之更

以捷聞高力士言之帝曰卿勿言朕徐思之
乙未 安祿山反 遣封常清募兵東京
以郭子儀為朔方節度使

封常清敗于武牢祿山遂陷東京河南尹達奚珣
降賊留守李愷御史中丞盧奕死之高仙芝退保
潼關河南俱陷

帝議親征制太子監國楊國忠與貴妃沮之遂寢
平原太守顏真卿起兵討賊

以宦官邊令誠譖言賫勅即軍中斬高仙芝封常
清三軍大呼稱枉

以哥舒翰為副元帥軍于潼關

常山太守顏杲卿起兵討賊諸郡皆應之

是年吐蕃贊普乞梨蘇死子娑悉立

丙申天寶十五載 肅宗至德元載

安祿山僭稱大燕皇帝改元聖武

賊將史思明陷常山顏杲卿力盡被執罵賊而死
譙郡太守楊萬石以郡降賊逼真源令張巡為長
史使西迎賊巡至真源帥吏民哭於玄元廟起兵
西至雍丘與單父尉賈贲兵合時雍丘令令狐潮
先已降賊擄淮陽敗兵反接于廷外行部淮陽兵

自起解縛迎巡等入城屠潮妻子磔城上潮反攻
城賁戰死巡併其衆兵威大振

朔方節度使郭子儀河北節度使李光弼與賊將
史思明戰于九門又戰于嘉山皆敗之復河北諸
郡請引兵取范陽不從

楊國忠逼哥舒翰出關敗于靈寶翰降賊賊遂入

關

帝出奔蜀次馬嵬衆軍殺楊國忠并韓國秦國二
夫人喧亂不已帝不得已縊殺楊貴妃衆心始定
虢國夫人走至陳倉亦被殺帝留太子亨討賊亨

遂即位于靈武改元至德年四十六是為肅宗皇
帝尊帝為上皇天帝以裴冕同平章事

賊陷長安殺妃主皇孫數十人陳希烈張均張垆
俱降賊祿山以希烈垆為相

李泌至靈武以為侍謀軍國元帥長史

田紇吐蕃遣使助討賊

秋八月帝自成都遣使傳位太子自稱太上皇
永王璘反淮南節度使高適等討之

安祿山取樂工犀象詣洛宴凝碧池樂工雷海清
擲器慟哭支解之

是時天下以楊國忠召亂莫不切齒或說哥舒翰抗表請誅國忠翰曰如此乃翰反非祿山也國忠懼翰圖已募兵萬人令所親杜乾運屯灞上以備翰翰亦恐為國忠所圖乃表請灞上軍隸潼關召乾運斬之國忠益懼會有言賊羸弱無備者乃促進兵翰奏曰祿山以羸師誘我若往正墮其計官軍據險利在堅守况賊勢日蹙將有內變因而乘之可不戰而擒也要在成功何必務速今諸道兵未集請且待之郭子儀李光弼亦請引兵取范陽覆其巢穴賊必內潰潼關大軍惟宜守不可輕出國忠以翰逗留言於帝遣中使趣之頃背相望翰不得已撫膺慟哭引兵出關以至於敗向使明皇聽子儀光弼之言固守潼關引兵搗其巢穴賊進退無據京師不至失守乘輿未必播遷也小人誤國一至於此然哥舒翰國之大將平日素輕祿山兵敗不能死又伏地曰臣肉眼不識聖人忠義之心安在哉

按肅宗即位靈武范氏以為肅宗以太子討賊遂自稱帝此乃太子叛父胡氏曰玄宗既有傳

位之命太子非真叛也其失在於玄宗不亟行而裴冕諸人急於榮貴以致此咎瓊山丘氏亦謂燭理不明欲速而見小利遂陷於不孝不忠之罪愚以為責之太過當是時玄宗聞潼關失守不顧宗廟社稷而為脫身之計中外不知帝之所在則天下已非玄宗之天下矣使太子不正大位何以激厲人心號召天下之兵而致吐蕃突厥遣兵入助耶蓋亦勢之不容已也譬諸人家藏一寶貨父不能守擲之於地子從而拾之亦何傷乎

丁酉唐肅宗至德二載

春正月安祿山子安慶緒使闞登李猪兒刺殺祿山寵偽位改元載初以嚴莊為御史大夫惟縱酒為樂李輔國附張良姊譖殺帝子建安王倓江南採訪使李成式討永王璘璘敗死賊將尹子奇寇睢陽許遠告急張巡合兵拒守帝見素裴冕罷苗晉卿為左相房琯罷張鎬同平章事

是時府庫空虛以官爵賞功諸將出征皆給空名告身但以職任統攝不計官爵高下

秋九月廣平王俶郭子儀以回紇收復西京

冬十月尹子琦陷睢陽張巡許遠死節

郭子儀等收復東京 李泌還衡山

賊將嚴莊降以為司農卿 陳留人殺尹子琦

帝還西京宴回紇葉護歲遺絹二萬匹

安慶緒退保相州改元天和

十二月上皇還自成都

徙廣平王俶為楚王加郭子儀司徒李光弼司空

追贈死節之士李愬盧奕顏杲卿袁履謙張巡許

遠張介然蔣清龐堅等官其子孫

定陷賊官六等罪

賊將史思明降以為歸義王

陳希烈官居宰相俛首於賊任之為相比之陷

賊者尤為可惡不刑於市而賜之自盡可謂失

刑矣

戊戌乾元元年

正月上皇授帝傳國受命寶符冊號光天文武大

聖孝感皇帝

帝上上皇冊號聖皇天帝二月大赦改元復以載

為年 徙楚王俶為成王尋立為皇太子更名豫

立張氏為皇后

張鎬論不當納史思明降罷以王瓌為中書侍郎
同平章事 贈顏杲卿太子太保謚忠節

史思明反殺范陽副使烏承恩復陷魏州
冊回紇英武可汗以寧國公主歸之

郭子儀為中書令李光弼為侍中

命郭子儀等九節度使討安慶緒以宦官魚朝恩
為觀軍容使 平盧節度使王玄志卒

遣中使察軍中所欲立者裨將高麗人李懷玉殺
玄志之子推侯希逸為節度使詔從之由軍士廢

立節使從此始

巳亥一 春正月史思明自稱大聖燕王改元應天

三月九節度使兵潰于相州

安慶緒稱臣于史思明史思明誘入其營執而殺
之留其子史朝義守鄴引兵還范陽

夏四月史思明稱大燕應天皇帝改元順天

秋七月召郭子儀還以李光弼為朔方節度使兵

馬元帥 賜僕固懷恩爵大寧郡王

寧國公主因無子自回紇歸

冬十月李光弼大敗史思明於河陽

庚子上元元年

夏閏四月改元上元 追謚太公望為武成王

以苗晉卿為行侍中行官始此

以劉晏為戶部侍郎充度支鑄錢鹽鐵等使

秋七月李輔國矯制遷上皇於西內流高力士於

巫州陳玄禮致仕

辛丑 春二月李光弼與史思明戰敗績河陽懷州俱陷

三月史思明子朝義弑其父襲偽位改元顯聖

夏四月梓州刺史段子璋反稱梁王改元黃龍李

奐崔光遠討平之

秋九月置道場於三殿飾宮人為神帝命大臣膜

拜去尊號及年號以建子月為歲首

李輔國求為宰相裴冕不從以為兵部尚書

貶劉晏為通州刺史以元載為度支鹽鐵等使

壬寅寶應元年

河東軍殺其節度使鄧景山遣使慰諭從其請以

兵馬使辛雲京代

絳州糧賜不給朔方行營都統李國貞狀聞未報

突將王元振激衆殺國貞

鎮西行營兵亦殺節度使荔非元禮推裨將白孝

德為帥從之

賜郭子儀爵汾陽王知諸道行營子儀收王元振
斬之辛雲京亦誅殺鄧景山者河東諸鎮始奉法
蕭華罷以元載同平章事領度支轉運使如故
建巳月楚州刺史崔旆表稱尼真如恍惚登天見
上帝賜寶玉十三枚鎮國群臣表賀

天一氣耳寶玉藏於何所上帝既欲鎮國何不
降于朝堂而授於一尼上下相為怪誕如此

太上皇崩年七十八廣德元年葬泰陵謚至道大
聖大明孝皇帝廟號玄宗蕃官務面割耳者四百
餘人高力士赦還聞訃慟哭死于道

帝疾甚太子監國改元寶應復以寅月為歲首
張后與越王係謀誅李輔國事泄輔國殺係逼張
后下殿殺之

帝崩年五十二廣德元年葬建陵謚文明武德大
聖大宣孝皇帝廟號肅宗太子豫即位是為代宗
以李輔國為司空兼中書令稱尚父不名尋進爵
博陸王

復以劉晏為度支轉運鹽鐵等使
以宦官程元振為驃騎大將軍

以來瑱同平章事

裴冕忤程元振貶施州刺史

以雍王适為天下兵馬元帥統諸道及假回紇兵克東京史朝義脫走回紇兵入東京大掠賊將鄴郡節度使薛嵩以相衛洛邢四州降于李抱玉恒陽節度使張忠志以恒趙深定易五州降于辛雲京抱玉等入其營皆受代僕固懷恩皆令其復位秋九月遣盜殺李輔國仍加存問贈太保冬十一月以張忠志為成德軍節度使賜姓名李寶臣裨將王武俊為兵馬使

以僕固懷恩為河北副元帥

癸卯唐代宗廣德元年

以劉晏同平章事度支等使如故

來瑱為程元振所譖流播州賜死

賊將田承嗣以莫州降以為魏博德滄瀛五州都防禦使

史朝義走至范陽節度使李懷仙已降不納朝義窮蹙自縊懷仙斬其首以獻以懷仙仍其故地為

盧龍節度使

以薛嵩為相衛邢洛具磁六州節度使

以梁崇義為山南東道節度使留後

禮部侍郎楊綰上疏舉孝廉

秋七月群臣上帝號寶應元聖文武孝皇帝大赦

改元廣德

冬十月吐蕃入寇帝走陝州吐蕃入長安立廣武

王承宏為帝改元郭子儀逐之放承宏於華州

以宦官呂太一為廣州市舶因而造反平之

十一月削程元振官爵放歸田里

十二月帝還長安

以魚朝恩為天下觀軍容宣慰處置使總禁兵

苗晉卿裴遵慶罷以李峴同平章事

吐蕃陷松維保三州

甲辰

立雍王适為皇太子

僕固懷恩反引回紇吐蕃入寇

以魏博為天雄軍

劉晏李峴罷王縉杜鴻漸同平章事縉始作胡人

法事 楊綰奏罷孝悌力田及童子科

稅青苗錢給百官俸 李光弼卒

乙巳永泰元年

正月改元 以李抱貞為澤潞節度使

平盧將李懷玉逐其節度使侯希逸詔以懷玉為
留後賜名正巳

講仁皇經命文武臣十三人集賢殿待制
僕固懷恩引回紇吐蕃入寇道死
漢州刺史崔旰殺西川節度使郭英乂
始制樞密使以宦者叅掌其事

丙午大曆元年

秋八月宦者魚朝恩判國子監事

冬十月生日諸道節度使以金帛珍玩上壽
十一月大赦改元

丁未

魚朝恩作章敬寺

以崔旰為西川節度使賜名寧

戊申

春正月幸章敬寺度僧尼千人

徵李泌為相固辭

追謚齊王倓為承天皇帝

幽州將朱希彩與經略副使朱泚及泚弟滔殺節
度使李懷仙以希彩為留後

內出孟蘭盆賜章敬寺常袞論胡僧不當列黃冠
之上

巳酉

以僕固懷恩女為公主嫁回紇

杜鴻漸病甚削髮而卒 裴冕同平章事卒

庚戌 春三月用元載計誅魚朝恩賜錢以葬

帝以元載忌李泌出為江西觀察判官以避之

辛亥

壬子 盧龍將士殺其節度使朱希彩以朱泚代之

癸丑 晉州男子郇謨獻三十六字召見

昭義薛嵩卒子平讓叔父萼為留後逃歸鄉里

田承嗣為安史父子立四聖祠令毀之加平章事

甲寅 以永樂公主妻田承嗣子華 朱泚入潮

胡僧不空死贈司空肅國公謚大辯正廣智三藏

和尚

乙卯 田承嗣反詔諸鎮兵討之李正己按兵不進

丙辰 田承嗣請入朝詔赦其罪

丁巳 田承嗣不入朝詔討之因其請罪令不必朝

誅元載籍其家貶王縉括州刺史

以楊綰常袞同平章事綰尋卒

起顏真卿為刑部尚書

以段秀實為涇原節度使

久雨戶部侍郎韓滉奏河中有瑞鹽諫議大夫蔣

鎮誣奏表賀

恒定二州地震三日東鹿寧晉地裂數丈沙石隨水流出壞廬舍壓死數百人

戊午隴右朱泚獻猫鼠同乳宰相常衮帥百官賀崔祐甫不從

己未以李泌為澧州刺史田承嗣卒姪悅自為留後淮西節度使李忠臣淫暴為其族子李希烈所逐奔京師以希烈為留後尋為節度使

夏五月帝崩壽五十三謚睿文孝武皇帝廟號代宗葬元陵太子适即位年三十八是為德宗常衮論喪服奏貶崔祐甫為河南少尹郭子儀等

表其非罪貶衮潮州刺史以祐甫同平章事常衮論公卿宜隨帝服二十七日未為不是但奏貶崔祐甫則出於私耳

尊郭子儀為尚父加太尉中書令罷四方貢獻罷梨園詔天下毋奏祥瑞縱馴象出宮女罷權酒馬燧為河東節度使

兵部侍郎黎幹諛佞被譖賜死淄青李正己進錢三十萬緡遣使勞其將士因以賜之吏部尚書顏真卿請省祖宗謚

秋八月以楊炎喬琳同平章事琳以耳聾罷

冬十二月立宣王誦為皇太子
是年南詔閣羅鳳卒孫異牟尋嗣

人代紀畧卷之十九

人代紀要卷之二十

明吳興顧應祥編集

大埔黃宸校刊江陰湯明善校正

庠生倪佩 臧繼華同校

庚申唐德宗建中元年

正月改元群臣上尊號曰聖神文武皇帝
始作兩稅法

楊炎誣轉運租庸鹽鐵使劉晏與黎幹同謀貶忠
州刺史又證其怨望遣人縊殺之

劉晏理財足國之功誠不可泯而不免於殺身

人之綱要 卷之二十一
之禍專利久而不知退也槩以言利非之則過矣

帝母沈氏因安祿山亂失去遙尊為皇太后以段秀實為司農卿 朱泚為涇原節度使定公主見舅姑禮

以術士桑道茂言築奉天城

辛酉 成德李寶臣卒子惟岳自稱留後

楊炎盧杞同平章事杞引裴延齡為集賢直學士加梁崇義同平章事拒命詔李希烈討之崇義死傳首京師

尚父太尉中書令汾陽王郭子儀卒謚忠武

以盧杞言罷楊炎以張鎰同平章事

田悅反詔馬燧李抱真李晟討之

平盧李正己卒子納自領軍務與成德李惟岳遣兵救田悅

李惟岳將張孝忠以易州降以為成德軍節度使加李希烈同平章事以李承為山南東道節度使十月盧杞誣殺楊炎

十一月以永樂公主適田華

壬戌 成德兵馬使王武俊殺李惟岳傳首京師武俊復

與朱滔反救田悅 括富商錢增稅錢

召朱泚入朝以張鎰為鳳翔節度使

源休使回紇還盧杞恐其見帝未至以為光祿卿

盧杞引關播同平章事戒不得言事

冬十一月朱滔自稱冀王田悅稱魏王王武俊稱

趙王李納稱齊王以滔為盟主

十二月李希烈自稱天下都元帥建興王

盧杞因惡張鎰忠直出之鳳翔恐別立相以分

已權乃薦關播儒厚可鎮風俗又戒之使不得

言事小人蒙蔽君心一至於此

癸亥 春正月李希烈陷汝州刺史李元平降

盧杞惡顏真卿遣宣慰李希烈

行稅間架除陌錢法

秋八月希烈寇襄陽詔發涇原兵救之

冬十月涇原兵過京師因賜與不給欲取瓊林大

盈二庫金帛遂作亂白志貞所募禁兵皆有名無

實召之無一人至者帝與太子諸王公主自苑北

門出王貴妃以傳國璽繫衣中奔奉天涇原節度

姚令言迎朱泚入宮稱權知六軍事百官勸迎乘

輿不從源休使回紇還以賞薄怨望勸泚僭逆司

農卿段秀實謀誅朱泚不克被害

鳳翔將李楚琳殺節度使張鎰附于泚 泚自稱

大秦皇帝改元應天以姚令言與檢校司空李忠

臣為侍中源休同平章事太僕卿張光晟工部侍

郎蔣鎮俱受偽官立第滔為皇太弟源休勸泚殺

宗室七十七人樊系代泚撰冊文成仰藥而死泚

舉兵圍奉天 十一月李晟兵入援與渾瑊兵敗

朱泚圍解 朔方節度使李懷光兵入援數言盧

杞趙贊白志貞姦佞杞聞言于帝令其徑取長安

懷光頓兵不進上表暴杞等罪惡帝不得已貶杞

等遠州司馬關播罷

以常臯為奉義軍節度使

甲子興元元年

春正月改元興元翰林學士陸贄草詔罪已去聖

神文武尊號罷間架墊陌竹木茶漆稅人皆感泣

李希烈僭稱皇帝國號大楚改元武成以李元平

為相

元平善談兵關播薦為汝州刺史汝州陷見李

希烈便溺汚地希烈罵曰盲宰相以汝當我復

受其偽官空言無補之流類若此

賜將士功臣名號

李懷光反與朱泚連兵其養子石演芬遣人告行在懷光殺之帝奔梁州

魏博田承嗣子兵馬使田緒殺節度使田悅請命以為節度使

朱泚更號漢改元天皇

涇原將田希鑒殺節度使馮河清附于朱泚

夏六月李晟收復京城朱泚敗走至涇原田希鑒閉城拒之涇卒殺姚令言降于希鑒朱泚至寧州為其將梁庭芬射墜坑中韓旻等斬之傳首行在

詔以田希鑒為涇原節度使

李晟為司徒中書令進爵西平王渾瑊為侍中

秋七月李懷光遣子璀詣行在謝罪詔給事中孔巢父宣慰為懷光左右所殺懷光復拒命

孔巢父初至河中懷光素服待罪巢父不之止懷光左右多胡人皆嘆曰太尉無官矣既而又宣言軍中誰可代太尉者於是左右發怒遂殺之巢父素稱辯博不能善其辭命惜也

李希烈縊殺顏真卿

德宗本紀顏真卿被殺在貞元元年

帝還長安

復以宦官竇文場王希遷為監神策軍兵馬使分
典禁兵

閏十月李晟誅田希鑒

朱泚僭偽未及二年而敗其始也朝臣皆甘心
為用其敗也肘腋皆為敵國若田希鑒則尤可
惡者然亦不能逃李晟之誅故詳著之以為亂
臣賊子之戒

鎮海節度使韓滉遣使貢獻加同平章事

乙丑貞元元年

春正月大赦改元

贈顏真卿司徒謚文忠

以盧杞為澧州別駕尋死

馬璘渾瑊平李懷光於河中懷光子璿自殺

初李懷光子璿為監察御史告德宗曰臣父必
負陛下宜早為備德宗問其何策自免曰臣父
敗惟有死而已及懷光敗璿自殺夫君父一也
璿不幸而遇此變不告則不忠告之則無父既
不難於死何不以逆順之道以死諫父不聽則
逃之可也

加馬燧侍中

朱滔死以劉怵為幽州節度使尋卒以其子濟知節度事

韋臯為西川節度使

召張延賞為相李晟表其過惡止為左僕射

賜奉天興元扈從百官收京將士勳爵

丙寅

以劉滋崔造齊映同平章事造與韓會盧東美張

正則為友以王佐自許時人謂之四夔故不次用

之李泌開運道避砥柱險

淮西將陳仙奇因李希烈有疾使醫毒殺之屠其

家以蔡州降以為淮西節度使為其將吳少誠所

殺遂以少誠為留後

初希烈入汴聞戶曹竇良女美彊取之女顧曰

無戚我我能滅賊後有寵常稱仙奇忠勇可用

仙奇妻亦姓竇請相結以固其夫希烈許諾乘

間謂仙奇妻曰賊雖強終必敗云何竇久而悟

及希烈死其子秘不發喪欲悉誅諸將自立適

有獻含桃者竇請分遺仙奇以蠟帛丸雜果中

出所謀仙奇大驚率兵入斬之函希烈并妻子

七首獻于朝仙奇之功竇氏成之也

按陳仙奇平希烈加以節鉞不為過吳少誠殺

仙竒是賊黨也朝廷不能討又與留後國法何在哉

李晟為其婿工部侍郎張彧附張延賞騰謗遣子弟表請為僧不許入朝稱疾辭鎮不許帝遣韓滉使與延賞釋怨晟遂表延賞為相

丁卯 以張延賞同平章事以延賞言貶齊映夔州刺史劉滋罷以柳渾同平章事

以白志貞為浙西觀察使

白志貞非宦官也世史正綱以為宦者誤

渾瑊與吐蕃盟于平涼吐蕃劫盟

李晟為太尉罷其兵柄

馬璪為司徒兼侍中

以李泌同平章事 張延賞卒 柳渾罷

停西域使者廩給分隸神策軍

部國大公主有罪幽禁中其女為太子妃帝欲廢

太子李泌力諫始免

妖僧李軟奴作亂伏誅李泌密奏無連及朝士

是年雲南王異牟尋內附

戊辰 陽城為諫議大夫

吐蕃寇西川韋臯拒擊破之

回紇請改回鶻冊回鶻長壽天親可汗以咸安公主歸之

巳巳 董晉竇參同平章事

中書侍郎同平章事鄴侯李泌卒

回鶻天親可汗卒遣使立其子爲忠貞可汗

庚午 回鶻忠貞可汗爲其下所殺

是歲吐蕃陷安西

辛未 遣使立回鶻奉誠可汗

吐蕃寇靈州回鶻擊敗之

壬申 竇參族子審申與諫議大夫吳通玄作謗書傾陸

贄帝知之貶參郴州別駕通玄賜死

以趙璟陸贄同平章事

平盧李納卒衆推其子師古知留後

以司農卿裴延齡判度支事

癸酉 春正月初稅茶 賈耽盧邁爲相

詔宰相迭秉筆以處政事

太尉中書令西平王李晟卒謚忠武

貶竇參驩州司馬尋賜死

竇參與陸贄相傾罪不至死德宗既殺之又藉其家過矣太平廣記所載上清訴寃之事蓋唐

人不平之詞也

宣武軍兵馬使李萬榮逐節度使劉士寧逃歸京師以萬榮為留後陸贄諫不聽

甲戌 雲南破吐蕃獻捷遣使立異牟尋為南詔
罷陸贄為太子賓客

乙亥 陸贄貶忠州別駕 陽城言裴延齡左遷國子司業 回鶻奉誠可汗死遣使立懷言可汗

橫海軍亂逐其節度使程懷直以從兄懷信為留後

丙子 以渾瑊王武俊兼中書令嚴震田緒韋臯並同平

章事

魏博田緒卒軍中推其少子季安為留後

以宦官竇文場霍仙鳴為護軍中尉

趙璟裴延齡卒

宣武軍亂以董晉為節度使陸長源為行軍司馬

丁丑 以宦者為宮市

戊寅 貶陽城為道州刺史 鄭餘慶同平章事

己卯 宣武董晉卒軍亂殺陸長源以劉逸準為節度使
以李錡為浙西觀察使

劉逸準卒韓弘為宣武節度使

蔡州吳少誠叛

中書令咸寧王渾瑊卒謚忠武

庚辰

貶鄭餘慶郴州別駕以齊抗同平章事

宦官竇文場薦韓全義討吳少誠大敗

赦吳少誠復其官爵

辛巳

韋臯大破吐蕃于雅州以臯為司徒中書令賜爵

南康王浙西崔善貞上封事詔送李錡殺之

成德王武俊卒以其子士真代節度使

壬午

詔百官毋得正牙奏事

癸未

以杜佑同平章事崔損卒高郢鄭珣瑜同平章

事監察御史韓愈請寬賦貶山陽令

以宦官孫榮義為右神策中尉

甲申

太子患風瘖疾

乙酉唐順宗

永貞元年

春正月帝崩在位二十六年壽六十四謚神武聖

文皇帝廟號德宗太子誦即位年四十五是為順

宗大赦改元永貞

以韋執誼為尚書左丞同中書門下平章事

王伾為左散騎常侍王叔文為翰林學士用事

追陸贄陽城未至卒

立長子廣陵王淳為皇太子更名純

橫海程懷信卒子執恭為留後賜名權

秋七月太子監國 杜黃裳袁滋同平章事

八月帝傳位太子純年二十八是為憲宗皇帝自為太上皇 葬德宗崇陵

貶王伾開州司馬王叔文渝州司戶柳宗元劉禹

錫俱貶 韋臯卒以袁滋為西川節度使

始令史官撰日曆 貶韋執誼崖州司馬

袁滋至西川副使劉闢自為留後阻兵自守滋不敢進帝怒貶滋吉州刺史

武元衡為御史中丞

回鶻懷信可汗死立其子為騰里可汗

以劉闢為西川節度使韋丹為東川節度使

鄭絀同平章事

丙戌唐憲宗元和元年

春正月改元 太上皇崩在位一年壽四十六謚

至德大聖大安孝皇帝廟號順宗大中三年增謚

至德弘道大聖大安孝皇帝葬豐陵

劉闢以西川叛高崇文討平之以崇文為東川節

度使尋改西川 平盧李師古卒其弟師道繼事

徵少室山人李渤爲左拾遺辭疾不至朝政得失
輒附奏陳論

以宦官劉光琦知樞密院樞密院始此

吐突承瓘爲左神策中尉

回鶻入貢以摩尼僧來置寺處之

始制翰林院鈴索 策試制舉之士

丁亥 司徒杜佑致仕 武元衡李吉甫同平章事

鎮海李錡反兵馬使張子良執送京師斬之籍其

家財代浙西今年租賦

武元衡爲西川節度使高崇文爲邠寧節度使

白居易爲翰林學士

山南東道節度使爲子季友求尚主以普寧公主
歸之

戊子 策試賢良方正牛僧孺皇甫湜李宗閔陳時政李

吉甫惡其言直考官坐貶翰林學士王涯裴垪俱

罷 帝復以裴垪同平章事

沙陀來降以其酋長執宜爲陰山兵馬使是爲後

唐之始

是年南詔異牟尋卒子尋閣勸立

己丑 立鄧王寧爲皇太子 李藩同平章事

成德王士真卒子承宗自爲留後遣使諭獻德棣二州詔以爲節度使以薛昌朝爲保信節度領德棣二州承宗執昌朝以歸詔削承宗官爵遣宦者吐突承瓘率兵討之白居易諫不聽

蔡州吳少誠卒其將吳少陽殺少誠子稱留後是年雲南尋閣勸卒子勸龍晟立

渤海康王嵩璘卒子元瑜立改元永德

庚寅 吐突承瓘師失利詔靈王承宗罪復其官爵復以德棣與之

盧龍節度使劉濟有疾其次子劉總毒弑之又毒殺其兄親自領軍務

以權德輿同平章事

貶東臺監察御史元稹爲江陵士曹

元稹爲監察御史以忠直著一遭挫折遂喪所守蓋亦立志不堅之故唐之士夫專務詞華而不修實德大率如此胡氏乃謂憲宗不能長育人才責之謬矣

辛卯 李吉甫同平章事李藩罷李絳同平章事

太子寧卒

壬辰 吐突承瓘欲立澧王暉爲太子以暉母賤不當立

乃立第三子遂王恒為皇太子

魏博節度使田季安卒以兵馬使田興為節度使

遣知制誥裴度宣慰

癸巳 賜田興名弘正 徵武元衡入知政事

振武軍亂逐其節度使李進賢

甲午 蔡州吳少陽卒子元濟繼事

李絳罷為禮部尚書 李吉甫卒

張弘靖同平章事

岐陽公主嫁杜佑孫琮卑順同家人禮

韋貫之同平章事

乙未 吳元濟反削其官爵發兵討之久而無功遣御史中

丞裴度宣慰行營還言必可取

李師道潛遣人焚河陰儲蓄人情恒懼多請罷兵

帝不許 以裴度同平章事

李師道令盜殺武元衡擊傷裴度首

柳宗元為柳州刺史劉禹錫為連州刺史

淄青李師道以嵩岳僧圓靜謀襲東都捕獲始知

殺武元衡者

田弘正助討淮西

以韓弘為淮西諸軍都統弘不欲淮西速平遺李

光顏美女光顏卻之誓不與賊同戴日月

丙申 討王承宗張弘靖以兩役並興國力不足請專事

淮西不聽弘靖罷去 李逢吉王涯俱同平章事

李愬為唐鄧節度使 柳公綽京兆尹

是年南詔勸龍晟為其臣王嗟嶺所弒立其弟勸

利 吐蕃贊普死新贊普可黎足立

丁酉 以裴度兼彰義節度使充淮西招討使

李逢吉罷以崔群同平章事

冬十月李愬用淮西降將李祐計雪夜入蔡州擒

吳元濟械送京師裴度入蔡州淮西平賜李愬涼

國公裴度晉國公入知政事

以李祐為神武將軍

以李鄴同平章事鄴始為淮西節度使吐突承璀

為監軍素敬憚鄴故引以為相

戊戌 李師道王承宗俱納款師道獻沂密海三州承宗

獻德棣二州

李鄴耻由宦官進辭疾不視事以為戶部尚書

李愬為武寧節度使

以李夷簡同平章事夷簡自謂才不及裴度求出

鎮以為淮西節度使

賜六軍辟伏使印 李光顏為義成節度使

王淮罷以皇甫鏗程异同平章事

皇甫鏗與宗正卿李道古薦方士柳泌合長生藥以為台州刺史採藥起居舍人裴潏諫貶江陵令已亥 迎佛骨貶刑部侍郎韓愈為潮州刺史

春二月平盧將劉悟殺李師道函首至京淄青盡平分為三道以劉悟為義成節度使

裴度為皇甫鏗所擠出為河東節度使張弘靖為宣武節度使

韓弘入朝獻馬絹金帛為司徒中書令

群臣上尊號曰元和聖文神武法天應道皇帝

令狐楚為相 田弘正入朝兼侍中還鎮

崔群罷為湖南觀察使

庚子 春正月帝餌柳沙丹藥躁怒有疾內侍王守澄陳

弘志弒之止云暴崩年四十三謚聖神章武孝皇

帝廟號憲宗塋景陵大中三年加謚昭文章武大

聖至神孝皇帝

陳弘志殺吐突承璀并澧王暉 韓弘攝冢宰

閏月太子恒即位年一十六是為穆宗

唐憲宗之崩綱目止云暴崩分註云時人皆言

內常侍陳弘志弒逆其黨諱之不敢討賊但云
 藥發外人莫能明不曾明言其故世史正綱直
 書宦者陳弘志弒帝今考唐史王守澄傳明白
 書守澄與陳弘志弒帝于中和殿漢唐秘史亦
 同宜從史

貶皇甫鎛崖州司戶蕭俛段文昌同平章事

柳泌伏誅貶李道古循州司馬

以貴妃郭氏為皇后

二月御樓肆赦觀倡優雜戲 令狐楚罷

崔植同平章事 柳公權為翰林侍書學士

元稹以監軍崔潭浚薦為祠部郎中知制誥朝論
 鄙之

成德王承宗卒將士秘不發喪欲立其弟承元承
 元不從詔以田弘正為成德節度使王承元為義
 成節度使

辛丑唐穆宗長慶元年正月改

段文昌囑取進士不遂言禮部侍郎錢徽貢舉不
 公降徽外任朋黨始此

杜元穎王播為相

盧龍劉總殺其父兄數見父兄為崇棄官為僧詔

以張弘靖為節度使

夏五月遣使冊回鶻崇德可汗以大和長公主妻之

秋七月盧龍軍亂囚張弘靖推朱滔孫朱克融為留後 成德兵馬使王庭湊殺節度使田弘正起復田布為魏博節度使與諸道兵討之

王播同平章事

群臣上尊號曰文武孝德皇帝 翰林學士元稹與樞密魏弘簡結交求進沮抑裴度度三上表言之以弘簡為云箭庫使元稹為工

部侍郎 貶張弘靖吉州刺史

冬十二月以朱克融為平盧節度使

以牛元翼為深冀節度使王庭湊圍深州

壬寅

魏博節度使田布為其將史憲誠所逼刺心而死 詔以憲誠為節度使

以王庭湊為成德節度使遣兵部侍郎韓愈宣慰其軍牛元翼突圍出深州

崔植罷以元稹同平章事

裴度為司空東都留守復留輔政 王播罷

裴度罷為右僕射元稹罷為同州刺史

李逢吉同平章事

冬十二月帝擊毬宦者墜馬驚得疾立景王湛為皇太子宦者王守澄專政

癸卯

以牛僧孺同平章事 韓愈為京兆尹

裴度為司空山南西道節度使

復以韓愈為吏部侍郎李紳為戶部侍郎杜元穎罷

甲辰

春正月帝餌金丹疾作崩年三十是為睿聖文惠

皇帝廟號穆宗堯光陵太子湛即位是為敬宗年十六宦官請鄭太后臨朝不許帝惟知遊宴擊毬

為樂

太后臨朝固非美政但敬宗年少使有太后制之亦可

李逢吉請貶李紳為端州司馬

以李程竇易直同平章事

劉栖楚諫宴朝以為諫議大夫

李逢吉引李虞等時號八閔十六子

盜入清思殿中尉馬存亮平之不言功

復加裴度同平章事 回鶻崇德可汗死

是年韓愈卒

乙巳唐敬宗寶曆元年正月改群臣上尊號曰文武大聖

牛僧孺求出為武昌節度使

浙江觀察使李德裕獻丹宸六箴

鹽鐵使王播獻羨餘絹百萬匹

造龍船二十艘

是年昭義節度使劉悟卒以其子從諫為留後

僕射李絳好直諫李逢吉惡之以為太子少師分

司

丙午復以裴度為司空同平章事

夏五月盧龍軍亂殺節度使朱克融而立其子廷

嗣

秋八月都將李載義殺之滅其族

冬十月詔以李載義為盧龍節度使

潤州周息元自言數百歲道士趙歸真言于上遣

中使迎至館于禁中

帝好擊毬手搏至有斷臂碎首者

冬十二月夜獵還宮與宦者將士擊毬飲酒入室

更衣燭滅宦者劉克明等弒之年一十八在位二

年大和元年謚睿武昭愍皇帝廟號敬宗葬莊陵

劉克明等矯制立絳王悟權勾當軍國事樞密使

王守澄等迎穆宗第二子江王涵立之年一十九
更名昂是為文宗誅劉克明等絳王悟亦為亂軍
所殺

裴度攝冢宰

以韋處厚同平章事出宮女放鷹犬省冗食罷別
貯宣索革債帥之弊以高瑀為忠武節度使

八代紀要卷之二十

八代紀要卷之二十一

明吳興一顧應祥編集

大埔黃棗校刊江陰湯明善校正

庠生倪佩 臧繼華同校

丁未唐文宗大和元年二月改

韋處厚請避位不許

王播獻銀器千綾絹十萬得為平章事

橫海節度使李全畧卒其子同捷權知軍務詔改
充海節度使同捷不受命發諸道兵討之

戊申 親策制舉人劉蕡直言宦官下第

王庭湊以兵糧助李同捷命諸軍討之
韋處厚卒以路隋同平章事

己酉 橫海節度使李祐擊敗李同捷同捷降宣慰使栢
耆攘其功斬同捷以獻李祐病卒賜耆死

赦王庭湊復其官爵

魏博史憲誠請入朝詔移鎮河中以李聽代為節
度使憲誠竭府庫治行將士怒殺之奉兵馬使何
進滔為留後李聽至不得入遂以進滔為節度使
以李宗閔同平章事

命宦官毋得衣紗縠綾羅

禁獻奇巧及織織麗布帛

是年南詔寇成都

庚戌 以牛僧孺同平章事

柳公綽為河東節度使

興元監軍楊叔元激軍士殺節度使李絳以溫造
為山南西道節度使討平之流叔元康州

裴度辭位出為山南東道節度使

宋申錫同平章事

李德裕為西川節度使

是年渤海王仁秀卒孫彝震立改元咸和

辛亥 盧龍將楊志誠逐節度使李載義以志誠為留後
王守澄誣宋申錫謀立漳王湊帝欲屠申錫家馬
存亮諫止貶湊巢縣公申錫開州司馬存亮致仕
秋九月吐蕃將悉怛謀以維州降牛僧孺議不受
以悉怛謀等送歸吐蕃殺之

牛僧孺以吐蕃修好不可納其亡叛以失信約
固亦有見故司馬公是之但夷狄之侵陵視中
國之強弱何如耳使當是時李德裕兵力足以
制之則因是而復吾之故土彼亦何辭若徒以
紙上之陳言斷已往之是非失之遠矣

壬子 立魯王永為皇太子

牛僧孺罷為淮南節度使

昭義劉從諫入朝

回鶻昭禮可汗為其下所殺子胡特勒立

癸丑 加劉從諫同平章事歸鎮

以李德裕同平章事

冊回鶻彰信可汗

以李載義為河東節度使

李宗閔罷以王涯同平章事兼度支鹽鐵轉運使
加盧龍楊志誠右僕射

詔諸王出閣停進士試詩賦

冬十二月群臣請上尊號以中使薛季稜言不受
帝得風疾不能言王守澄薦鄭注飲其藥効有寵
甲寅 冬十月幽州軍亂逐楊志誠推史元忠主留務元
忠獻志誠所造衮衣借物詔流嶺南道殺之
以李宗閔同平章事

李德裕罷為山南西道節度使德裕請留京師以
為兵部尚書李宗閔言制命已行不宜自便詔以
德裕為鎮海節度使
復令進士試詩賦

成德王庭湊卒子元逵自知留後

乙卯

以王元逵為成德節度使
以史元忠為盧龍節度使

賈餗同平章事 以鄭注言浚曲江及昆明池

貶李德裕袁州刺史

李宗閔為明州刺史

李固言同平章事

鄭注為翰林侍讀學士貶翰林李珣為江州刺史
李訓謀討元和之亂時陳弘志為興元監軍召至
青泥驛封杖殺之

李固言罷為山南西道節度使

鄭注為鳳翔節度使

以王守澄為神策觀軍容使

舒元興李訓同平章事

冬十月王涯兼樞密使

遣使醜殺王守澄于私第

加裴度兼中書令

十一月李訓舒元興鄭注與邠寧節度使郭行餘河東節度使王播京兆少尹羅立言金吾大將軍韓約御史中丞李孝本謀誅宦官事敗訓被殺仇

士良等以其首及王涯賈餗舒元興王播羅立言李孝本郭行餘告廟社腰斬于市親屬孩穉無遺涯餗本不與謀人怨涯樞密至有詬罵投石者右軍斬韓約鄭注奔鳳翔為監軍所殺

以鄭覃李石同平章事 罷樞密

天下之事同則成異則敗李訓既居相位不能輔天子振紀綱立法度以消宦官之權而乃私為詭計又與鄭注各懷異圖欲功自己立宜其僨事而速敗也

漢唐秘史云仇士良欲廢帝夜半令學士崔慎

由入於秘殿謂曰上不豫已久當立嗣君可急作詔慎由知其意答曰雖死不敢承士良乃開後戶引慎由至小殿見帝士良數帝過失而叱辱之帝俛首戰慄涕泣莫敢言士良指帝曰不是學士你還得在這裏坐帝戰慄不已

丙辰開成元年春正月大赦改元

昭義劉從諫表請王涯等罪欲清君側仇士良懼加從諫檢校司徒李固言同平章事

魏謩為補闕帝欲觀史不從

丁巳以陳夷行同平章事李固言罷

國子監石經成

戊午河陽節度使李泳以賂得鎮貪殘為其下所逐盜射傷李石尋罷為荆南節度使

楊嗣復李珣同平章事

冬十一月太子承被譖暴卒

吐蕃彝泰贊普死弟達磨立國人不附吐蕃益衰
己未 晉國公裴度卒

鄭覃罷為右僕射陳夷行罷為吏部侍郎

崔鄯同平章事

冬十月立敬宗少子陳王成美為太子時楊賢妃

欲立皇弟安王溶帝與宰相謀不從 回鶻相掘
羅勿弒彰信可汗國人立盭馭特勒國衰

帝問直學士周墀曰朕可方前代何主荅曰堯
舜之主也曰朕豈敢比堯舜何如周赧漢獻耳
墀曰彼亡國之君豈可比聖德曰赧獻受制強
諸侯朕受制家奴似不如也

庚申

春正月帝疾甚樞密使劉弘逸薛季稷引楊嗣復
李珣至禁中欲奉太子監國仇士良魚弘志矯詔
立穆宗第五子穎王灑為皇太弟廢太子成美復
為陳王

帝崩年三十三在位十三年謚元聖昭獻孝皇帝
廟號文宗葬章陵 太弟灑即位年二十九是為
武宗

賜楊賢妃安王溶陳王成美死諸近侍得幸者俱
殺之

仇士良開府儀同三司左衛上將軍請蔭養子給
事中李中敏判止之出中敏婺州刺史楊嗣復李
珣罷 崔珙李德裕同平章事

魏博節度使何進滔卒子重順知留後
黠戛斯攻破回鶻盭馭被殺可汗兄弟盟沒斯等

求內附

辛酉唐武宗會昌元年正月改

以陳夷行同平章事

仇士良譖殺樞密劉弘逸薛季稜遣使誅楊嗣復
李珣李德裕救免俱貶遠州刺史

帝受符籙於趙歸真 崔鄆罷

是年以何重順為魏博節度使賜名弘敬

盧龍軍亂殺節度使史元忠推牙將陳行泰留後
求節鉞用李德裕計不問軍中又殺行泰立張絳
亦不問雄武軍使張仲武起兵擊殺絳奉表以聞
詔以張仲武為盧龍留後

回鶻立烏介可汗遣使存問

壬戌 以張仲武為盧龍節度使 以李紳同平章事

陳夷行罷以李讓夷同平章事

帝欲相白居易李德裕素惡居易沮之以其從
弟白敏中為翰林學士

回鶻温沒斯降以為懷化郡王賜姓李名思忠
吐蕃達磨贊普死無嗣佞相立其妃緜氏兄幼子
乞離胡罔人不服其將論恐熱作亂

癸亥 河東節度使劉沔破回鶻兵迎太和公主以歸

贈悉怛謀右衛將軍

崔珙罷李德裕求罷不許

昭義劉從諫死其子稹自爲留後李德裕王議討之崔鉉同平章事

築望仙臺於禁中

仇士良致仕

遣御史中丞李回宣慰河北

甲子

以趙歸真爲道門教授先生

削仇士良官爵籍沒家資

杜棕同平章事

李紳罷

昭義牙將郭誼斬劉稹以降以李德裕

言併誅郭誼加李德裕太尉賜爵衛國公

追論劉從諫事貶牛僧孺循州長史流李宗閔封

州

乙丑

李德裕偕群臣五上表請上尊號仁聖文武章天

成功神德明道大孝皇帝

淮南節度使李紳奏江都令吳湘罪湘乃吳武陵
兄子也李德裕素惡武陵處湘以死

李德裕惡吳武陵至其兄子犯罪遂不付法司
詳斷而處之以死豈公天下之心乎

杜棕崔鉉罷以李回同平章事

冊黠戛斯為英武誠明可汗

以山南東道節度使鄭肅檢校尚書右僕射同中

書門下平章事

用趙歸真言毀天下佛寺僧尼並勒還俗

以道士劉玄靜為崇玄館學士辭歸

給事中常弘質論李德裕被貶

帝服金丹有疾道士以為換骨罷正旦朝會

吐蕃論恐熱攻其鄯州節度使尚婢婢兵敗

丙寅 春三月帝疾甚或謂唐以土德王不可以王氣尅

君名遂改名炎宦官密定策以皇子冲幼立憲宗

第十三子光王怡為皇太叔怡乃憲宗納李錡妾

所生更名忱

皇太叔之名古所未有

帝崩年三十三在位六年謚至道昭肅孝皇帝廟

號武宗塋端陵皇叔忱即位年三十七是為宣宗

李德裕罷為荆南節度使

誅趙歸真 復度僧尼

以白敏中同平章事

增太廟九代十一室敬文武同一代祝文但稱嗣

皇帝臣某

鄭肅罷以盧商同平章事 帝受三洞法籙

回鶻殺烏介可汗立其弟遏捻

丁卯唐宣宗大中元年正月改

李德裕為白敏中黨所訟改太子少保分司又以

吳湘兄訟寃貶潮州司馬 作雍和殿

盧商罷崔元式韋侗同平章事

李回罷

戊辰

帝母鄭氏原係憲宗后侍兒與憲宗后太皇太后郭氏有宿怨待太皇太后甚薄郭太后登勤政樓

欲自墮帝大怒是夕郭太后暴崩不以附葬配享

禮院檢討官王皞執奏貶句容令

貶李德裕為崖州司戶

崔元式罷周墀馬植同平章事韋侗罷

令狐綯為翰林學士

萬壽公主適起居郎鄭顥如家人禮

續圖功臣於凌煙閣

是年黜憂斯攻室韋盡收回鶻餘衆歸磧北

巳巳 周墀以直言罷為東川節度使

崔鉉魏扶同平章事

盧龍張仲武卒子直方為留後尋以為節度使直

方好遊獵軍中將作亂逃歸京師

克復河湟加順宗憲宗尊號

武寧軍亂逐節度使李廓 取維州

李德裕卒

庚午 馬植交通宦官貶常州刺史

盧龍牙將張允伸自稱留後

魏扶卒崔龜從同平章事 令狐綯同平章事

辛未 裴休為鹽鐵使

白敏中為党項都統制置使

吐蕃論恐熱入朝 以魏謩同平章事

崔龜從罷

壬申 裴休同平章事 以進士孫樵言復禁度僧尼

癸酉

甲戌 詔雪王涯賈餗等

乙亥 浙東軍亂逐觀察使李訥

成德王元逵卒其子紹鼎自為留後

崔鉉出為淮南節度使罷杜棕柳仲郢為鹽鐵轉

運使

丙子 以鄭朗同平章事

裴休請建太子帝曰若建太子則朕遂為散人休
辭位出為宣武節度使崔慎由同平章事

吏部尚書李景讓議遷穆敬文武四王出廟詔百
官議未決 冬十一月冊田鵠為懷建可汗

丁丑 帝欲相韋澳澳以不堪繁劇為辭出為河陽節度
使魏謩以剛直見忌出為西川節度使

成德王紹鼎卒弟紹懿自為留後

以蕭鄴同平章事

迎道士軒轅集于羅浮山

戊寅 劉瑑同平章事崔慎由罷

劉瑑卒夏侯孜平章事

冬十二月蔣伸同平章事

是年渤海王曷震卒弟虔晃立

己卯

秋八月帝餌李玄伯丹藥疽發背崩在位十三年

壽五十謚聖武獻文孝皇帝廟號宣宗葬貞陵咸

通十三年加謚元聖至明成武獻文睿智章仁神

聰懿道大孝皇帝中尉王宗實等立帝長子鄆王

溫即位改名漼年二十七是為懿宗 誅李玄伯

宣宗愛第三子夔王滋欲立之以其非次久不

決及疾篤密以夔王屬內樞密王歸長馬公儒

宣徽南院王居方神策護軍中尉王宗實等立之王歸長等恐王宗實不同心出之淮南監軍宗實入見帝已崩遂矯詔迎鄆王立爲皇太子收王歸長等斬之鄆王遂即位夫立嫡以長所以止亂也若長子不堪負荷亦宜明告于朝堂以著其所以不宜立之故庶幾可耳今乃溺於所愛欲立非次又不謀諸大臣而托之閹宦自啓其亂階也

蕭鄴令狐綯罷杜審權白敏中同平章事

是年南詔王酋龍僭稱皇帝改號大禮

庚辰唐懿宗咸通元年十一月改

浙東賊裘甫作亂改元羅平自稱天下都知兵馬使觀察使王式平之

夏侯孜罷 畢誠同平章事

辛巳 白敏中罷杜棕復相 遣使南詔吊祭

壬午 蔣伸罷 置戒壇度僧尼

分嶺南五管爲東西二道以韋宙蔡京爲節度使嶺南西道蔡京以苛慘爲軍士所逐貶崖州司戶不行賜死

夏侯孜復相

癸未

畢誠以同列徇私稱疾辭位杜審權杜悰俱罷
楊收與中尉楊玄价叙宗相結得同平章事
曹確同平章事

甲申

蕭寘為相 冬十一月夏侯孜罷路巖為相

乙酉

蕭寘卒高瓌代尋卒徐商同平章事
始以郭太后配享憲宗

丙戌

成德王紹懿卒兄子景崇自為留後
魏博何弘敬卒軍中立其子全皞

嶺南西道節度使高駢大破南詔復取交趾
楊收不能遂楊玄玠請托罷相

吐蕃振跋懷光斬論恐熱傳首京師

以高駢為靜海節度使

黠戛斯遣使入貢

丁亥

懷州逐刺史劉仁規

以樂工李可及為左衛將軍

以于悰同平章事

戊子

春正月彗星出於婁胃以為瑞稱賀

徐泗兵戍桂州六年不得代殺都將王仲甫推糧
料判官龐勛為主劫庫兵北還所過剽掠遣中使
赦罪送歸勛懼誅募兵破徐州囚觀察使羅彥曾

自稱兵馬留後以康承訓為行營招討使率諸道兵討之唐末之亂始此

巳丑 春正月以同昌公主適右拾遺韋保衡傾宮中珍玩資送

二月楊收以賄敗流驩州賜死

夏四月龐勛殺崔彥曾自稱天冊將軍

陝州告旱觀察使陳莒指庭樹曰此尚有葉何旱之有杖告者民怒逐莒求飲以溺飲之

徐商罷以劉瞻同平章事

賊將張玄稔以宿州降引兵克徐州龐勛平

以張玄稔為驍衛大將軍康承訓為河東節度使杜悛為義成節度使朱邪赤心為大同節度使賜姓李名國昌辛謹為亳州刺史

南詔陷嘉黎雅州

庚寅 春正月群臣上尊號曰睿文英武明德至仁大聖廣孝皇帝

路巖韋保衡以康承訓討龐勛時逗遛不進貶為恩州司馬

二月南詔攻成都

三月曹確罷以韋保衡同平章事

夏五月光州逐刺史李弱翁

秋八月同昌公主卒殺醫官二十餘人又收其親族三百餘繫獄劉瞻諫叱出韋保衡譖瞻與醫官同謀毒殺公主貶瞻驩州司戶

以王鐸同平章事以李國昌為振武節度使

辛卯 路巖與韋保衡爭權有隙出鎮西川人以瓦礫擲之劉鄩同平章事

壬辰 于琮為韋保衡所譖貶韶州刺史琮妻乃帝妹廣德公主與琮同行琮始獲全

趙隱同平章事

癸巳 春正月迎佛骨入禁中膜拜流涕

韋保衡譖罷王鐸

秋七月帝崩年四十一在位十四年謚昭聖恭惠孝皇帝廟號懿宗

中尉劉行深韓文約立帝第五子普王儼年十二是為僖宗

貶韋保衡賀州刺史賜死

路巖貶新州刺史以蕭倣同平章事

甲午唐僖宗乾符元年十一月改

春正月賜路巖死二月葬懿宗簡陵

趙隱罷以裴坦代坦尋卒復以劉瞻同平章事長
安市人以百戲迎之瞻由他道而入劉鄴延飲瞻
遂卒人以爲鄴鳩之

以崔彥昭同平章事

劉鄴罷以鄭畋盧攜同平章事

遣使冊回鶻可汗

十一月群臣上尊號曰聖神聰睿仁哲明孝皇帝
改元乾符

僖宗以幼冲之年爲宦者所立而唐之諸臣諂
諛如此

濮州王仙芝作亂

以宦官田令孜爲中尉委以政事呼爲阿父

乙未 高駢爲西川節度使

浙西鎮遏使王郢作亂陷蘇常州 蕭倣卒

以李蔚同平章事

王仙芝陷濮曹冤句人黃巢聚衆應之

丙申 春二月令天下鄉村各置弓刀鼓板以備盜

崔彥昭罷王鐸同平章事

秋七月宋威破王仙芝沂州奏仙芝已死百官皆
賀兵散居二日州縣奏仙芝劫掠如故復發兵人

皆怨

以王仙芝為神策押牙不受

丁酉 南詔酋龍死子法堯立

王仙芝遣尚君長請降宋威執之詐為生擒以獻斬之

戊戌 大同軍亂殺防禦使段文楚以李國昌子克用為

留後以李國昌為大同節度使國昌不受詔

南詔請和親不稱臣

招討副使曾元裕破王仙芝斬之

黃巢稱衝天大將軍改元王霸陷沂濮及虔吉饒

信等州由宣州入浙東開山路七百里陷福建

鄭畋盧攜議事忿爭俱罷以豆盧瑑崔沆同平章事 高駢為鎮海節度使

李蔚罷鄭從讜同平章事

己亥 高駢破黃巢巢趣廣南求為廣州節度使授以率

府告身不受遂陷廣州

河東殺節度使崔李康

王鐸請為行營招討都統出討賊尋罷相復以盧攜同平章事

冬十一月兩日並出而鬪

庚子廣明元年春正月改

左拾遺侯昌業諫遊戲召至內侍省賜死

河東軍亂殺節度使康傳圭鄭從讜罷相出鎮

宦官李順融為樞密使降麻同將相

宦官田令孜為諸道兵馬制置招討等使其兄陳

敬瑄為西川節度使

遣宗正少卿李龜年使南詔和親

李國昌及其子克用敗走達勒

忠武將周岌殺節度使薛能牙將秦宗權自稱權

知蔡州事

黃巢自采石渡江行營都統高駢自度力不能制

稱疾不戰巢遂度淮所過不掠惟取丁壯益兵陷

潁宋徐兗自稱天補大將軍入東都留守劉允章

帥百官迎謁詔以巢為天平節度使

冬十二月黃巢入潼關田令孜恐天子責已歸罪

盧攜貶為賓客分司攜仰藥死

以王徽裴澈同平章事

黃巢入長安金吾將軍張直方帥文武數十人迎

于灊上巢僭稱大齊皇帝改元金統宰相豆盧瑑

崔沆于琮劉鄴匿民間搜獲殺之并殺廣德公主

宗室在長安者無遺類 帝奔興元

鳳翔節度使鄭畋合鄰道兵討賊 賊發乾陵

辛丑申和元年七月改

春正月帝至成都

蕭遘王鐸韋昭度俱同平章事

樂龜朋為翰林學士

史稱樂龜朋拜田令孜得擢學士張濬耻於衆
中拜之先謁謝酒被令孜對衆揚出慚懼無所
容胡氏謂富貴有命枉道求之徒喪所守固矣
然當播越亂離之際而汲汲於求富貴如此但
知有利而不知有害也悲夫故錄之以見唐之
士風如此

加高駢東面都統討黃巢不出兵

宥州刺史拓跋思恭糾夷夏兵討賊

夏四月官軍克長安掠金帛妓妾黃巢走還襲之
殺副都統程宗楚鳳翔司馬唐弘夫復據長安
忠武監軍楊復光克鄧州

壽州屠者王緒與妹夫劉行全聚衆作亂陷光州
秦宗權表為光州刺史以固始王潮為軍正
以董昌為杭州刺史

是年八月星交流如織或大如杯椀

左拾遺孟昭圖以帝不任宰相上疏直言田令孜

屏不奏矯制貶嘉州司戶遣人沈蕃願津殺之

七月改元中和

壬寅 王鐸請出為行營都統討賊鄭畋為司空同平章

事

黃巢將朱溫以華州降以為河中行營招討副使

賜名全忠

以李克用為鴈門節度使

是年嘉興馬生角 丹徒狗生角

癸卯

以王鐸為義成節度使 魏博節度使韓簡寇河

陽其將樂行達殺之以為留後賜名彥禎

田令孜為十軍十二衛觀軍容使

以淮南押牙楊行愨為廬州刺史

夏五月李克用破黃巢克復長安詔加同平章事

是為後唐之先 嶺南小校上蔡劉謙討賊有功

以為封州刺史是為南漢之始 以朱全忠為宣

武節度使是為後梁 復以鄭從讜同平章事

鄭畋罷以裴澈同平章事

以宗女妻南詔

甲辰 李克用追黃巢至汴巢將尚讓以眾降巢收餘眾
奔兗州

朱全忠請李克用入汴城飲酒謀害克用走免
尚讓追黃巢至瑕丘巢甥林言斬巢及兄弟妻子
首遇沙陀軍奪之併斬言以獻帝問被擄姬妾汝
曹皆勳貴子女何為從賊對曰狂賊凶逆國家百
萬之眾失守播遷乃以不能拒賊責一女子置公
卿將相何地皆戮之或謂黃巢不曾死逃而為僧
依張全義

按唐世逆賊安史死於子朱泚死於部將黃巢
死于甥逆天者天固以逆報之也故備書之以
為亂臣賊子之戒

李克用表乞討朱全忠詔解之克用進爵隴西郡
王 王鐸徙義昌過魏州為魏博節度使之子樂
從訓所殺掠其侍妾 關中飢人相食

乙巳光啓元年 春三月帝還京改元

秦宗權陷東都僭稱帝 田令孜取河東鹽池節
度使王重榮拒命令孜遣邠寧朱玫鳳翔李昌符
討之重榮求救於李克用克用師逼京城欲誅令
孜帝出奔鳳翔 右補闕常濬言姑息藩鎮貶萬

州司戶賜死

秦宗權責賦稅於王緒緒不能給渡江轉掠至汀漳為將士所擒奉王潮為將軍泉州人張延魯等以刺史廖彥若貪暴逐之迎潮

丙午 李克用王重榮表請帝還官誅田令孜令孜劫帝如寶雞失太廟神主遣孔緯召百官不赴

朱玫李昌符耻為令孜用更與李克用合追逼乘輿神策軍使王建負傳國璽掖帝走入散關二月至興元

詔王重榮應接糧料重榮以不誅令孜不奉詔

以孔緯杜讓能同平章事

夏四月朱玫以肅宗玄孫襄王煜入京師權監國事 以鄭昌國同平章事

以蕭遘為太子太保辭歸玫自為侍中以裴澈判度支高駢兼中書令駢所用妖人呂用之為嶺南節度使

冬十月朱玫立煜為帝改元建貞

田令孜自為西川監軍薦楊復恭為中尉詔都將楊守亮與李克用王重榮討朱玫玫將王行瑜斬玫襄王煜奔河中王重榮殺之

是年王潮陷泉州 董昌取越州
博野宋文通以討黃巢功賜姓名李茂貞為神策
都將

丁未

王行瑜為靜難軍節度使

李茂貞為武定節度使後誅李昌符改鳳翔節度
使

楊守亮為山南西道節度使

董昌為浙東觀察

使

錢鏐為杭州刺史

春三月誅偽宰相蕭遘鄭昌圖裴澈

淮南都將畢師鐸討妖黨呂用之執高駢幽之道
院宣州觀察使秦彥殺之并殺其子弟甥姪同坎
瘞之楊行密攻揚州斬呂用之行密即行愍改名
也 是年流田令攷於端州不行

利州刺史王建襲閬州據之

以張濬同平章事

河中軍亂殺王重榮

以朱全忠兼淮南節度使

戊申文德元年

秦宗權將孫儒殺秦彥畢師鐸

以楊行密為淮南留後

春二月帝至長安改元文德

三月帝疾大漸第吉王保長而賢群臣屬望宦官楊復恭等立懿宗第七子壽王傑為皇太弟更名敏帝崩年二十七在位十五年謚惠聖恭安孝皇帝廟號僖宗葬靖陵 皇太弟敏即位年二十二 是為昭宗

幸蜀記載僖宗寵內園小兒張浪狗一日以魚馬告密與百金求得馬畜宣徽南院僖宗獨行觀之巡繞左右謂浪狗曰好馬好馬其馬未經調習忽騰躍踏僖宗左脇倒地浪狗驚惶以尿

灌之良久方甦詔云氣疾醫人候脉謂膀胱氣投治莫效卧十二日而崩

魏博樂彥禎驕秦築羅城八十里軍士不堪作亂牙將羅弘信殺彥禎及其子從訓以弘信為留後十二月蔡將申叢執秦宗權折其足降于朱全忠割邛蜀黎雅置永平軍以王建為節度使削陳敬瑄官爵

已酉唐昭宗龍紀元年

春正月改元 以劉崇望同平章事 帝更名曄

朱全忠執秦宗權以獻進爵東平郡王

田令孜求劉巨容燒黃金方不與殺之滅其族

宦者楊復恭肩輿上太極殿祀園丘令有司制宦
官法服孔緯不可始服劍佩

庚戌大順元年

春正月群臣上尊號曰聖文睿德光武弘孝皇帝
改元大順

朱全忠請討李克用宰相張濬孔緯主議以濬為
河東行營都招討宣慰使京兆尹孫揆為副討之
敗績孫揆被執鋸解而死

按張濬始因宦官楊復恭以進復恭中廢更附
田令孜及復恭再用事薄濬之為人濬自恃為
主所知以言語激復恭之怒出處既已不正又
無深謀遠慮徒以虛談欲僥倖立功宜其喪師
而辱國也

是年以楊行密為寧國節度使朱全忠為宣義節
度使加中書令 王建陷蜀

辛亥 孔緯張濬罷以崔昭緯徐彥若同平章事

李克用上表訟寃貶緯濬遠州刺史復克用官爵
尋加中書令 復貶濬繡州司戶

復陳敬瑄官爵

王建克成都遂韋昭度自稱留後詔以建為西川節度使

楊復恭專制朝政諸養子皆為節度使又養宦官子六百人皆為監軍殺帝舅王環帝恨之出為鳳翔監軍不肯行以上將軍致仕復刺殺詔使謀反遣李順節討之復恭走興元與養子楊守亮舉兵拒命

是年夏四月彗出三台入太微長十丈餘

壬子景福元年正月改

鳳翔李茂貞靜難王行瑜鎮國韓建同州王行約秦州李茂壯五節度請討楊守亮詔和解之茂貞行瑜不聽徑自舉兵以茂貞為山南西道招討使以鄭延昌同平章事

以楊行密為淮南節度使

錢鏐為武勝軍節度使

李茂貞養子李存孝叛父來歸以為邢洺滋節度使

癸丑

以李茂貞為山南西道節度使茂貞以不兼鳳翔不奉詔以柳玘為瀘州刺史

王建請誅田令孜陳敬瑄不許建徑殺之以聞
王潮陷福州以爲福建觀察使

李茂貞恃功驕橫上表不遜帝怒命杜讓能議討
讓能諫不從乃以覃王嗣周爲京西招討使帥禁
兵討之崔昭緯陰結邠岐泄其事禁軍至興平望
風奔潰茂貞乘勝逼京城請誅讓能帝流涕貶讓
能雷州司戶崔昭緯復擠之遂賜死以茂貞爲鳳
翔兼山南西道節度使

以韋昭度崔胤同平章事

以王行瑜爲太師號尚父賜鐵券

甲寅乾寧元年正月有星孛于鶉首改元乾寧

以鄭綮同平章事屢辭不獲尋致仕

鄭綮可謂賢矣唐末宰相皆由宦官以進綮進
無所援而又勇於求退當時外鎮專權諸閹用
事雖房杜復生亦難展布綮不惟進退光明而
且得明哲保身之道本傳謂其立朝侃然無復
故態蓋其中自有所主其平日善詩語多俳諧
故使落調特假此以玩世耳豈可遽以是而少
之哉

李克用克邢州殺李存孝

鄭延昌罷以李谿同平章事崔昭緯使知制誥劉
崇魯出班掠麻慟哭以谿依附宦官無相業罷為
太子少傅谿上表醜詆崇魯拜田令孜為朱玫作
勸進表詔停其見任

以徐彥若同平章事

李茂貞拔閬州執楊復恭送闕下斬之

以劉隱為封州刺史

乙卯

以陸希聲同平章事

董昌稱帝越州國號大越羅平改元天冊

帝思李谿文學復以為同平章事崔昭緯陰告王

行瑜與李茂貞表谿姦邪宜罷居散秩帝報曰軍
旅之事與藩鎮圖之至於命相當出朕懷行瑜等
論列不已遂罷谿

以李克用請以劉仁恭為盧龍節度使

崔胤罷以王搏同平章事

令諸王將兵南北司恐不利於已交論而止

王行瑜李茂貞韓建舉兵犯闕殺韋昭度李谿欲
行廢立聞李克用兵至留衛而還

以孔緯同平章事朱全忠薦張濬為相李克用表
言不可用詔和解之

秋七月王行瑜與李茂貞假子李繼鵬作亂帝奔石門鎮李克用攻王行瑜及遣兵侍衛茂貞懼斬繼鵬請罪車駕還京

以崔胤同平章事孔緯卒崔昭緯罷尋貶梧州司馬以孫偓同平章事

冬十一月李克用克邠州王行瑜走死進李克用爵晉王克用請乘勝取李茂貞韓建帝惑於貴近不從克用還晉陽

丙辰 武安軍亂殺劉建鋒其將馬殷自爲留後遣使賜崔昭緯死

錢鏐克越州誅董昌以鏐爲鎮海鎮東節度使李茂貞復犯闕帝出走韓建逼帝入華州茂貞入長安焚燒俱盡

崔胤罷以陸扆同平章事胤求援於朱全忠表胤忠臣不宜出外復以崔遠同爲相胤誣扆爲李茂貞黨貶硤州刺史

王搏罷以國子博士朱朴同平章事

以孫偓爲鳳翔四面行營招討討李茂貞復以王搏同平章事

以劉隱爲清海行軍司馬

王潮為威武軍節度使

丁巳 立德王裕為皇太子

韓建畏諸王領兵遣人誣告諸王欲殺建脅帝幸河中帝驚召建諭之建稱疾不入帝令通王滋等八人謁建自解建留軍中奏諸王擅權勒歸十六宅不許典兵又奏其尚包陰計請帝速斷不報建乃與宦官劉季述矯制發兵圍之諸王披髮升屋叫呼帝不能救盡殺之以謀反聞凡殺通王滋延王戒丕丹王允覃王嗣周及睦濟韶彭韓沂陳共十一人

是時宦官專政於內藩鎮擅權於外天子擁虛器而已

劉仁恭敗李克用於安塞

閩王潮卒弟審知代知軍府事

右拾遺張道古上疏言五危二亂貶施州司戶

戊午光化元年

詔復李茂貞姓名官爵以韓建為修宮闕使罷兵

秋八月帝還京師改元光化

以馬殷知武安留後

以王審知為威武節度使

巳未 崔胤罷復以陸扆同平章事

以李茂貞為鳳翔彰義節度使

馬殷盡據湖南

庚申

崔胤去位疑王搏所擠寄書朱全忠表論之帝不
得巳貶搏崖州司戶

樞密使宋道弼貶驩州景務修貶愛州俱賜自盡

胤專政

崔遠罷以裴贄同平章事

冬十一月中尉劉季述王仲先樞密王彥範薛齊
偓等脅宰相百官署狀廢帝幽于少陽院矯制立

太子裕

辛酉

春正月神策指揮使孫德昭與崔胤謀結右軍都
將董彥弼周承誨伏兵斬王仲先持首獻少陽院
帝與何后毀扉而出劉季述王彥範為亂挺所斃
薛齊偓赴井死俱滅其族帝復位以太子無罪降
為德王賜孫德昭姓名李繼昭周承誨姓名李繼
誨董彥弼賜姓李俱為使相

進朱全忠爵東平王李茂貞岐王崔胤陸扆請以
左右軍屬宰相帝謀於李繼昭繼昭以書生難為
軍主不若屬北司為便乃以宦官韓全誨張彥弘

爲中尉袁易簡周敬容爲樞密使仍掌兵柄
以王溥裴樞同平章事 夏四月改元天復

冬十月崔胤密召朱全忠除宦官韓全誨等與李
繼誨李彥弼以李茂貞兵劫帝如鳳翔帝不許彥
弼等縱火帝與后妃諸王慟哭上馬而行入鳳翔
朱全忠破華州

朱全忠入長安百官班迎至鳳翔城東帝諭遣還
鎮 崔胤裴樞罷

壬戌 春正月以韋貽範同平章事帝宴宰相中尉酒酣
貽範持杯直及帝頰尋以母喪罷

以蘇檢同平章事宦官薦翰林學士姚洎爲相洎
謀於韓偓偓曰若圖永久之利莫若未就洎乃移
疾李茂貞及宦官遂薦檢用之

韋貽範因受賂鬻官不遂爲債家所譟營求起復
詣中尉樞密及李茂貞求之帝命翰林學士韓偓
草制偓曰吾腕可斷制不可草上疏論之復命姚
洎草制貽範不讓即視事尋卒

蘇檢數爲韓偓經營入相偓拒之

朱全忠兵圍鳳翔仍奉表迎駕帝窘甚命李茂貞
與全忠和解圍

李繼昭出降于全忠復姓符名道昭

按五代史李繼昭符道昭各自一人並無復姓符之說

是年以楊行密為行營都統賜爵吳王行密取昇州進錢鏐爵越王王建取興元回鶻請發兵赴難韓偓以戎狄難信喻以小寇盜不須赴難沮之

南詔布燮鄭買嗣篡其主位改國號大長和蒙氏自細奴邏至此傳十三世凡二百五十年而為鄭所滅

癸亥

平盧節度使王師範發兵討朱全忠克兗州

李茂貞請斬韓全誨等及李繼筠李繼誨李彥弼等一十六人以首示朱全忠始解圍帝幸全忠營還京師以崔胤為相朱全忠以兵驅中尉第五可範已下數百人盡殺之冤號之聲徹於内外出使在外者詔所在誅之止留黃衣幼弱者三十人以備洒掃以崔胤兼判六軍十二衛事賜朱全忠號回天再造竭忠守正功臣進爵梁王

以崔胤所惡貶陸扆為沂王傳分司王溥賓客分司賜蘇檢死

帝欲相韓偓偓薦趙崇王贊崔胤惡其分權使朱全忠言偓妄薦帝不得已貶偓濮州司馬與之泣別朱全忠薦裴樞同平章事

秋八月進王建爵蜀王以獨孤損同平章事朱全忠諷張全義殺致仕左僕射張濬

甲子天祐元年

春正月朱全忠密遣人殺崔胤以崔遠柳璨同平章事逼帝遷都洛陽毀長安宮室廬舍取材浮渭而下京師為墟日中北斗見

四月至洛陽改元天祐

朱全忠見德王裕年長欲殺之不得乃使蔣玄暉氏叔琮選牙官史太等百人夜入宮弑帝于椒殿殺宮人裴貞一昭儀李漸榮以身蔽帝被殺矯稱貞一漸榮弑逆立帝第九子輝王祚為皇太子全忠佯驚哭仆地殺友恭叔琮滅口

帝在位一十六年年三十八謚恭靈莊閔廟號襄宗至後唐同光初改號昭宗太子即位更名祝年十三是為昭宣帝

是年更封錢鏐為吳王以劉隱為清海節度使乙丑唐昭宣帝仍稱天祐

春二月朱全忠使蔣玄暉邀昭宗子德王裕棣王
翊虔王禊遂王禘景王祕祁王祺瓊王祥飲于九
曲池悉縊殺之投尸池中 葬昭宗和陵
柳燦諂事朱全忠譖罷獨孤損崔遠裴樞以張文
蔚楊涉同平章事涉泣謂其子曰此吾家之不幸
也

夏六月星變柳燦疏其素所不快者於朱全忠曰
此曹皆腹誹怨謗宜以之塞災異全忠以為然聚
裴樞獨孤損崔遠陸扆王溥趙崇王贊等凡以名
檢自處者三十餘人於白馬驛一夕殺之李振屢

舉進士不第深疾縉紳之士謂全忠曰此輩嘗自
謂清流宜投之黃河使為濁流全忠笑而從之
徵前禮部員外郎司空圖詣闕圖陽為衰野墜笏
失儀放還山

命魏博為天雄軍進羅紹威爵鄴王

楊行密卒子渥代為淮南節度使

朱全忠逼受禪以為相國封魏王加九錫怒不受
何太后遣宮人達意求傳禪之後母子生全王殷
趙殷衡遂誣蔣玄暉與柳燦張彥範與太后夜宴
興復唐祚全忠信之令殷等弑太后於積善堂斬

柳璨於上東門車裂張廷範於都市

帝新即位應祀南郊全忠恐以郊天延唐祚罷之

柳璨與樞密蔣玄暉太常卿張廷範深相結為

朱全忠謀禪代自以為不世之勲富貴無窮矣

諧言一入遂身首異處非全忠殺之也天假手

於全忠也可為亂臣賊子之戒璨臨刑呼曰負

國賊死其宜矣亦天使之言乎

丙寅

魏博羅紹威借朱全忠兵殺其牙軍八千家嬰孺


無遺後以勢弱悔之

盧龍劉仁恭始文民面為軍

朱全忠以高季昌為荆南留後

人代紀要卷之二十一

...



程